



Uw kinderen
groeien beter met
DOMO MELK
agente:
Veld Stores

Dagblad

voor Aruba

7-Up.....

A refreshing drink
agents:
Veld Stores



No. 3103

WOENSDAG 9 APRIL 1958

Croes A Pidi Indulto (Gratie) Di Castigo

ORANJESTAD: — Deputado P. Croes ayera a manda un peticion pidiendo indulgencia (gratie) di su castigo, pa Gouverneur. Den e peticion aki e ta mustra riba e hecho cu apesar di su condenacion door di Hof, e ta alinda di opinion cu e ta inocente y ademas cu door di e castigo cu e la hanja e ta hanja den dificultadnan serio — principalmente cu relacion na su bida di famia. E contenido di e rekst ta sigui aki:

Ta duna di conoce respetuosamente:

Porfirio Croes, naci na Aruba, 21 October 1919, biba na Aruba, sco-hendo domicilio den e caso aki na oficina di abogado Mr. Frank Hartong, na Nassaustraat no. 33 na Oranjestad na Aruba.

1. cu e peticionario pa vonnis di 2 april 1958 duna door di Hof di Justitie di A.N., den hoger beroep, a worde condena na castigo di prison di nuebe luna, cu estipulacion cu e tempo cu e peticionario a pasa caba for di 11 december 1957 provisionalmente den detencion preventivo, na che-cucion di e castigo cu a worde impo-ne ne, lo worde reduci completamente for di dje castigo;

2. cu e peticionario a worde conde-na manera ta bisa anteriormente, pa-sobra a worde declara di ta proba cu e la comete e delito aludi den articulo 334 di Wetboek di Strafrecht di A.N.;

3. cu e peticionario ta inocente y cu e ta sigui ninga definitivamente di

TAPIJT TEXAS FURNITURE STORE

Emmastraat 5 - Tel. 1082 - 1083

a comete e delito menciona;
4. cu, desgraciadamente, e no a lo-gra ni su consehero, di a convence Hof di Justitie di A.N. di inocencia dje peticionario den dje caso aki;

5. cu di acuerdo cu e estipulacion-nan di Ley, nombra den Wetboek van Strafvordering, contrario na e loke e peticionario na principio tabata spe-ra, pa orden di E.G.A. Heer Procureur General el a bai su cas for di piscalaat na Aruba cu huisarrest dia 3 di April 1958;

Bo ta kere?

— Ahan, asina, un dokter a bisa, — anto bo jlu homber ta kere cu e tin tres anja caba ta un gallina y e ta pone webu. Y pakiko bo'n bini basta tempu caba serca mi?
— Al, dokter, e mama a contesta, — tempu ta malu y nos lo por a nsa e webunan masha bon si e la po-ne nan!

„NOS CU NOS” e sensacion teatral 1958

Negociacion Suspendi Sin Acuerdo Final

LEC ta Declara Conflicto Tocante 40 Ora of Aumento

SAN NICOLAS: — Pa parti di Lago nos a ricibi e siguiente noticia:

Negociacion pa un contract nobo entre Lago Oil & Transport Company, Ltd. y Lago Employee Council a worde suspendi April 5 ora cu LEC a anuncia cu e ta considera cu ta existi un conflicto. E contract anterior, cual tabata na vigor desde Augustus 31, 1956, a expira mei anochi April 4; sin embargo, directiva a notifica Council cu e lo sigui observa provisionnan di e contract anterior wardando desaroyonan mas leu.

Pa April 1 e reunionnan di nego-ciacion cu e cumenza na principio di Februari a resulta den acuerdo provi-sional tocante liberalizacion exten-sivo y cambionan den hopi di e areanan di negociacion: beneficiacion, pago, tratamiento di keho, condicionnan di trabao y otro. Beneficiacion pa enfer-medad lo a worde liberaliza, y lo ta-batin mas proteccion di trabao pa empleadonan Holandes. E abono di layoff pa empleadonan cu mas di 15 anja di servicio lo a worde aumenta. Un bonus pa costo di bida pagable den un biah y cual ta iguat na cinco por ciento di un luna di placa lo a worde paga ora acuerdo worde al-canza ariba un contract nobo. Un compensacion adicional pa costo di bida lo worde paga na decimo. Cambionan proponi tabata afecta tambe algun otro area, tal como va-cacion, procedimientu pa trata keho, temporary status den ocupacionnan mas halto, pago pa overtime y otro-nan.

Reconociendo cu den e situacion no tin prospecto inmediato pa firma-mento di un contract nobo, directiva a anuncia cu e liberalizacionnan ariba cual acuerdo provisional a worde alcanza lo worde considera como ha-la atras. Sin embargo, provisionnan di e contract firma Augustus 31, 1956, lo sigui worde observa.

Compania, sin embargo, no por a cumpli cu e proposicion di LEC pa

6. cu en vista di e circunstancia-nan aki, e responsabilidad di e peti-cionario pa cu su esposa y shete jiu-nan, di cua esun di mas bieuw tin dies dos anja y esun mas jong tin un anja di edad, cu nan a sufri masha verdriet caba door di loke a pasa e peticionario y pasobra e peticionario no ta kebele otro caminda mas pa por alivia e dificultadnan di su famia, pesei e peticionario ta hanjele o-bliga di dirigie cu e peticion aki na Su Excelencia;

POR LO CUAL e peticionario ta

suplica Su Excelencia respetuosamen-te di absolve di e castigo di prison duna ne henteramente of por parte.

Aruba 7 April 1958.
Ademas nos a tende di Mr. Har-tong cu Procureur General no ta dispuesto di kita e huisarrest. Manera nos a anuncia ayera den nos corant Mr. Hartong ta di opinion cu Croes mester a worde pone na libertad en vista di e vonnis. Procureur General sin embargo ta keda aserca pa huis-arrest, un decision cu Mr. Hartong a acepta awor.

Embahada na Buenos Aires ta desmenti noticia tocante desorden na Paraguay

BUENOS AIRES — Embahada di Paraguay na Buenos Aires a publica un comunicado ayera, den cual el a desmenti e noticianan den prensa di Buenos Aires, segun cual tabatin des-orden na e basenan naval pilar, San Jose, Encarnacion y algun otro.

E comunicado a admiti, cu tabatin bringamentu, despues cu un grupo di hende arma, cu a bini di territorio Argentino, a ataca e pueblo coronel Bogado, dia prome di April. E co-municado a termina cu e anuncio, cu arma Argentino, cu e rebeldenan taba-tin, a worde confisca.

Justo Prieto, e representante di partido Liberal di Paraguay, quende ta desterra, a rechaza e acusacion di gobierno di Paraguay, cu su partido ta culpable pa e atake riba e pueblo coronel Bogado.

Prieto a declara cu e desorden cu tin na Paraguay cada bez, ta resultado dje sufrimientu, e miseria y e hamber, cu ta reina na e pais. Y el a acusa e gobierno „tirano” di Stroessner, cu ta completamente responsabel pa e situacion actual na Paraguay.

Segun e corant „La Razon”, cu ta sali na Buenos Aires, situacion den

cual presidente Stroessner ta hanja su mes, no ta masha comfortable. Algun tempu el a larga arresta un cantidad di oficial di cavaleria, pasobra nan no a vota p'e.

E corant a declara ademas, cu e relacionnan entre Stroessner y e par-tido Colorado, e unico partido politico permiti na Paraguay, actualmente ta yen di tension.

Awe Stroessner lo sali for di Asun-cion pa un bishita oficial na Bolivia. Durante su ausencia Edgar Insfran Bras, ministro di asuntunan interior, quende e presidente ta confia, lo tuma su lugar.

Santa Clara y San-ta Paula e siman aki

ORANJESTAD. — Awe mainta ta spera na Oranjestad Santa Clara di Grace Line cu 33 pasahero y car-gamento pa Aruba. Diabierna main-ta tempran lo drenta Santa Paula tambe cu 135 pasahero. Tur e car-gamento ta abordo di Santa Clara.

Nos situacion pre-caria di awa

ORANJESTAD. — E scarcedad di awa riba nos isla ta sigui duna rom-pedabes. Pa ilustra seriedad dje situa-cion ta sigui algun cifra atrobe cu nan mes ta papia pa nan mes. E re-serva di awa tabata

4 april	15.970 m3
5 april	15.400 m3
6 april	14.970 m3
7 april	15.240 m3
8 april	15.200 m3

Ta bon cu e ultimo dos dianan e reduccion ta birando menos, pero ta masha necesario pa tur caminda y tur ora bai sigui cu masha cuidao pa e-vita di e manera ei peor.

Biba mihor cu ELECTRICIDAD

MORE
FLAVOR
FOR
EVERYONE'S
FAVORITE!



BROILED HAMBURGER
1 MAGGI'S BOUILLON
CUBE dissolved in 1 1/2 c. boil-ing water • 2 lbs. chopped meat • 1 tsp. onion juice • 1/4 tsp. pepper • 1/4 tsp. salt • parsley • 3 tbsp. shortening melted • 1/4 c. catsup.

Add onion, Maggi's Bouillon to meat. Form into balls. Broil. Add seasoning, catsup, to melted shortening. Pour over hamburgers on hot plat-ter. Garnish with parsley.

another Nestlé quality product

MAGGI'S
BOUILLON CUBES

Noticia di Polis

Perdi
ORANJESTAD. — Dia 5 April O. Charles a perde dos reanchi di area di oro den un envelop den Nassau-straat banda di cuarto pasa di cinco. E mes dia ei banda di 8 or P.Q. di Santa Cruz a perde dos biljetchi hen-ter di LL ademas di fl. 80.—

Adios carzon
M.S. a anuncia polis na Oranje-stad cu nan a cohe su carzon for di un bar na Oranjestad, loke a sosode Diadomingo. Recherche ta investi-gando e asunto.

Horta
Dialuna dos tercio a cohe di C.M. biba na Kas di Paloma un reanchi di oro y cincuenta florin. Esaki tam-be recherche ta investigando.

Awor ta cu piedra
A.A.D. Dialuna atardi banda di mitar di cinco a bai warda di polis cu su auto cu su windshield cu un strea asina grandi aden y cu marca di bentamento di piedra ne. D. a de-clara na polis cu e tabatin un desa-cuerdo cu e muher E.C. kende a ben-ta su auto cu piedra.

Noorwechi
Dos navegante Noorwege Diado-mingo atardi pa banda di 4 or den un bar na San Nicolas a dal P. v.d. L. di tal manera cu e homber mester a worde transporta pa Lago Hospital.

Ela bolter
Pa mitar di un di maduga di Dia-sabra pa Diadomingo e auto A-7366 mancha pa A.R.C. na altura di Spaans Lagoen a bolter y a keda un total loss. Bon cu no tabatin desgra-cia personal. E probabel motibo ta-bata: corremiento duro.

Dalmento
Serca warda di polis na Savaneta Dialuna anochi pa 10 or tabatin un dalmento di auto entre A-4369 ma-ncha pa D.L.W. y A-4362 cu D.G.C. na stuur. No tabatin heridos, pero si e danjo material tabata como shete cien florin. Probabel motibo: no a duna preferencia.

Dalmento di ciclista
Dialuna atardi banda di tres or ri-ba Weg Seroe Preto na San Nico-las e ciclista di dies ocho anja R. Chong a hanja un accidente door cu e auto A-7154 mancha pa P.M. a dal cune. Chong a keda herida y mes-ter a worde hiba San Pedro Hospital.

Un accidente mas
Banda di Maris Stilla na Savaneta Dialuna banda di cuarto pa och'or e auto A-1689 mancha pa F.M. a bol-ter, probablemente door di corre mu-cho duro. E auto a keda completa-mente destrui. Bon cu no tabatin he-ridos.

FATUM — Tel.: 1845
Pa tur bo aseguronan

PHILIPS

Decoratieve ontvanger



MODEL B4X67Z

voor middengolf en drie kortegolf-banden + Aansluiting voor extra luidspreker en grammofoon.

TOESTELLEN
VOOR NET-EN

6 VOLT ACCU.SPANNING

Reeds het uiterlijk van deze appa-raten zal U verrassen, maar met nog méér verbazing zult U luiste-ren naar de uitzonderlijke goede ontvangst en klankweergave van deze ontvangers.

Uw adres:

PALAIS ROYAL
ARUBA N.V.

Oranjestad — San Nicolas

PHILIPS

Prachtige ontvanger



MODEL B5X65Z

voor middengolf en vier kortegolf-gebieden + 7 buizen + High F.L. delity versterking.

„Evening News” di Londen tin palabra

LONDEN — Un corresponsal dje corant „Evening News” di Londen a scribi ayera, cu segun informacion di Washington, e Rusonan tin intencio-n di lanza un Sputnik pa luna prome cu fin dje luna aqui.

Segun e periodista e Sputnik aqui lo bisa cinco toneladas.

Anulacion di restriccion riba exportacion di vacuna Salk

WASHINGTON — Ministerio di comercio di Merca a anula tur e stipulacionnan restrictivo riba exportacion di e vacuna di Salk contra polio. El a declara cu actualmente e provision dje vacuna aqui ta suficiente grandi pa por cumpli cu e pregunta actual y e preguntanan cu lo bini for di Merca.

Bringamento na Cuba na escala chiquito

HAVANA — Despues di bringa-mentu cu e trupan di gobierno e rebeldenan na Cuba a retira nan mes den Sierra Maestra, caminda nan ta seonde, asina cuartel general Cubano a informa.

Te ainda cuartel general Cubano a informa di morto di 89 rebelde desde cu nan lider, Fidel Castro, a declara un „guera total” na gobierno.

Decision di Rusia aplaudi den un conferencia

NEW YORK — E secretario gene-ral di Nacionnan Uni, Dag Hammarskjöld, a declara na un conferencia di prensa ayera, cu e ta applaudi e decision Ruso pa suspende e experi-mentonan atomico.

Hammarskjöld a desmenti e noti-cianan, segun cual el a bai Europa pa hunga un papel activo den e kes-tion Tunes-Francia.

Paasvierung in de Club Suriname

ST. NICOLAAS: — Onder leiding van het actieve dames comité van de vereniging Suriname vond er zaterdagavond een geslaagde paasviersel plaats dat werd gebracht door kinderen van de leden. Dit spel gaf terug de Ver-rijzen van de Gekruisigde Christus. De actrices en actrices kweten zich goed van hun taak. Er was geen plan-kevers te bespeuren terwijl het ge-sproken woord duidelijk verstaanbaar was. Een kortje zong op voortreffelijke wijze voor deze gelegenheid toepasselijke liederen.

De aanwezigen keken en luisterden aandachtig toe en leefden intens mee met het gebeurde.

Op maandagmorgen waren er op uit-nodiging van de Paashaas een drie hon-dert kinderen in de club aanwezig op het paasfeest dat het huzenpaar met me-dewerking van het reeds eerder genoem-de dames comité had georganiseerd. Na-dat vaderhaas de kinderen een welkom had geheten, nodigde moederhaas de kinderen uit om flink gebruik te maken van het feest en zich de verscheidene lekkernijen goed te laten smaken.

De mensenkinderen lieten zich dat geen tweemaal zeggen en genoten volop van de frisse gekleurde eieren, koekjes icecream en de snoep, die werden uit-gedeeld terwijl het huzenpaar toestem-mend en goedkeurend knikte.

Op verzoek van de gastheer en gast-vrouw werd er via de wurlitzer muziek gemaakt. Het spreekt vanzelf dat de kinderen hun dankbaarheid toonden door flink van de dansvloer gebruik te maken nadat het huzenpaar een dans had uit-gevoerd.

Met het „Lang leve de paashaas” ver-tieten de kinderen het feest.

In de verschillende clubs werd er ge-durende de paasdagen flink gedanst. De muziek werd verzorgd door Antonio Morel, en de conjuntos „Estrellas del Caribe” en Jovenes del Caribe” uit Cu-raçao.

Dia 12: pa mucha „NOS CU NOS”

Emy Kuiperi en Ernst Jan Schotborgh traden in het huwelijk

ORANJESTAD: — Het huwelijk van de dag werd gistermorgen gesloten tus-sen de charmante Emy Kuiperi en Ernst Jan Schotborgh. Mej. Kuiperi, wel be-kend, al was het alleen al omdat zij ruim een jaar geleden als eerste Aru-baanse bij de K.L.M. als stewardess in dienst trad, zag er bijzonder lieflijk en stralend uit in haar helder witte bruidsjapon tijdens de receptie die in Club Caribe gegeven werd. Haar echt-genoot, op Curaçao welbekend, werkt al ongeveer anderhalf jaar in Maracaibo bij de A.Z. Export in de verkoop-afdeling. Het zal in Maracaibo zijn, dat het jonge paar zich ook zal gaan vestigen, als de wittebroodstijd in het Zeebad Bonaire op 12 april achter de rug is.

Het was een drukke receptie in de Club Caribe. De champagne vloede rijkelijk, evenals de talloze andere dran-ken, terwijl de gereedschaps hapjes

met smaak genuttigd werden. Tussen de gasten door liepen met glunderende gezichten de ouders van bruid en brui-degom, de heer en mevrouw A. B. Kuiperi Sr. en de heer en mevrouw H. B. C. Schotborgh, die voor dit doel speciaal uit Curaçao overgekomen wa-ren.

In een zijzaaitje van de club ston-den enkele meesterwerken van de heer N.E.L. Oduher, de vader van Johnny Oduher. Twee grote taartstukken, de eerste in de vorm van een K.L.M.-D.C. 3, de andere een grote toren. Beide stukken kregen de bewondering van de gasten. Jammer was het dan ook, dat zij later stukgesneden moesten worden. Het werd al met al een genoegelijke receptie voor de gasten en voor het jonge echtpaar, een onvergetelijke ge-beurtenis. Gisteren nog vertrokken zij naar Bonaire. Zij wensen hen beiden een gelukkig leven toe.



De families Kuiperi en Schotborgh verenigd achter de tafel waarop de lekkernijen uitgesteld lagen. Bruid en bruidegom staan in het midden

CINE AWE DIARAZON ANOCHI — 9 DI APRIL

DE VEER THEATER

8.30'or
Fls. 1.25

CARMEN BASILIO vs SUGAR RAY ROBINSON

en combinacion cu e pellicula

„THAT CERTAIN FEELING”

cu: Bop Hope — Eva Marie Saint — George Sanders — Pearl Bailey

RIALTO

8'or
Fls. 1.25

„LOS CHIFLADOS DEL ROCK 'N ROLL”

cu: Luis Aguilar — Rosita Arens — Pedro Vargas —

Lina Salome — Agustín Lara

PRINCIPAL

8'or
Fls. 1.—

„LUSTY MEN”

cu: Susan Hayward — Robert Mitchum — Arthur Kennedy

AURORA

7.30'or
Fls. 0.25

„BLACK 13”

cu: Peter Reynolds — Rona Anderson

— Pa mal caminda —

SAVANETA

7.30'or
Fls. 0.50

„NAKED SEA”

YUDA JUVENTUD
FERIA FERIA FERIA
FERIA DON BOSCO
10, 11, 12 y 13 di April — P'ariba di Lago Sport Park
Gana premionan bonita manera
Koekoeklokkien, lampi di mesa, un viaje ida y vuelta cu
KLM y KNSM, un radio electr.
Cumpra un rifa pa e bonita PLYMOUTH 1958 y un TELEVISION,
solamente Fls. 5.— pa lot.
TUR ESAKINAN NA FERIA DON BOSCO 1958
E feria ta habri foi 7'or di anochi

Grupo Artistico di „ST. JOZEF BOND“
e mes un grupo, cu a presenta e inolvidable „Coi Kens“
ta lanza awor
„NOS CU NOS“
e senacion teatral pa anja 1958
Bin gosa bo un mundu. Bin juda progreso i desarajo
di nos hoben aficionados di teatro
DIABIERNE DIA 11 DI APRIL 7.30 P.M. - DIASABRA DIA 12 DI APRIL
4.00 P.M. ESPECIAL PA MUCHA - DIADOMINGO 13 DI APRIL 7.30 P.M.
DEN CLUB SAN MARTINO NA SANTA CRUZ
Entrada f 1.50 — Mucha f 0.50
Tickets di bende na Club Estrella, Hulze de la Salle
i cerca Robert Henriquez, Wilhelmstraat 89

Dia pa dia e revolucion na Cuba
ta birando mas i mas serio
HAVANA: — Esercito Cubano a anuncia, cu ultimamente 13 rebelde a muri
durante bringamentu cu trupa di gobierno di presidente Batista. Segun e anun-
cio e rebeldenan a ataca vehiculan. Den circulanon diplomatico na Washing-
ton a worde informa ayera, cu Merca a proclama un prohibicion general riba
mandamentu di arma pa Cuba. E prohibicion lo keda di vigor te ora cu bini
un fin na e situacion actual na Cuba.

Un confirmacion oficial di ministerio
di asuntunan exterior no tabata por
worde hanja ainda pa e noticia aki.
Algun tempo pasa ministerio di
asuntunan exterior a informa, cu go-
bierno Mericano a suspender embar-
camentu di un cantidad no menciona di
fusil pa Cuba.
Antayera noch 18 persona a worde
arresta na Havana, nan tabata sospecha
di accion subterreaneo y instigacion pa
huelga. Nan tabatin den nan posesion
pamfleta di e rebeldenan, na hora di
nan arresto. Bida na Havana ta nor-
mal.
Entretantu un ley a worde proclama
na Havana cu ta castiga esnan cu ta
traha pa gobierno si nan huelga.
Un otro ley ta bisa cu e funcionario-
nan mester queda neutral den tur con-
flicto politico cu lo por tuma lugar.

Prome cu un reunion di gabinete
Cubano a cuminsa antayera noch
presidente Batista a publica un comu-
nicacion, den cual el a bisa cu cierto
elemento a trata di perhudica posicon
economico di Cuba. El a desmentir den
e comunicacion ayera i noticia, segun
cual gobierno a dirigi su mes na e
bancanero pa por mira den e cajanan
di warda cos y cu gobierno quier con-
fiscar e placa di papenan di lbaori cu
ta den e cajanan ey.
Biernes Santu a pasa considerabel-
mente tranquil na Cuba, aunque e
momento, riba cual e guerra total di
Fidel Castro mester cuminsa, ta acerca
mas y mas. Ningun hende no sabi
actualmente e hora dje ataqenan
directo, asina e correspondal di AFP a
informa di Havana.
Na e provincia Oriente e incidente-
nan sangriento ta continua. Sinembargo
ayenda e rebeldenan no a ataca e capital
dje provincia ayeri, Santiago de Cuba,
directamente ainda.
E lider dje rebeldenan, quando su
trupanen a bira considerablemente mas
debil cu e trupanen di gobierno, a
informa, cu lo e no usa tactico di
bringamentu directo di frontera den su
guerra. Lo e pone pueblo rebela contra
e gobierno di Batista y pa medio di
ese causa calda dje presidente Cubano.
Fidel Castro a manda e presidente un
ultimatum den cual el a insisti pa
presidente Batista retira antayera noch.
Pero ningun hende no ta spera cu pre-
sidente Batista, quando tin autorizacion
extraordinario algun dia caba, lo cum-
pli cu e exigencion.
Despues di anuncia dje hecho, cu
Fidel Castro a rechaza e proposicion
pa amnestia na e rebeldenan, cu prome
ministro Guell a ofrece, observadonan
na Havana ta di opinion, cu e dianan

PAGINA TRES

Wandelmars Exitoso Di Como Tres Mil Mucha Di School

E lazo entre polis y hubentud a bolbe hanja un estimulo mas

ORANJESTAD: — Ayera tardi como tres mil mucha a camina varios kilometer
contento di nan cordando e medalla cu nan lo bin hanja huntu cu un limonada
frieuw y un sacu di cos dushi. Kinder- y Zedepolis y frerenan a remi tur e muchan
nan aki cu ta alumnonan di tur school riba nos isla, pa nan tuma parti na e presta-
cion deportivo grandioso aki. Tanto na Oranjestad como na San Nicolas ayera tardi
tabata e centro di actividad.
E participantenan tabata bao di di-
reccion di nan maestronan ora cu nan
a bai e lugarnan di start, mientras cu
for di stadnan e otro muchanan a
worde transporta cu busnan grandi.
dies un na total.
E wandelmars tabata dividi den dos
grupo, esnan mas grandi di 14 anja y
mas mester a camina un distancia mas
grandi cu e mas chikitanan cu a cam-
ina un distancia di 11 kilometer. Pe-
sei e grandinan a start como un ora
mas tempran, e otronan a start pa
tres or. Sr. Nagtegaal di KZP huntu
cu Sr. Dinissen tabata esnan cu a



E muchanan homber di La Salleschool a keda netchi den nan uniform y en nan pasonan firme.

Unda Lago Ta Para

SAN NICOLAS: — Pa conserva su mes bon salud y pa sigui furni un base eco-
nomico sano pa su empleadonan y tur cu ta depende ariba nan pa nan medio di
bida — y pesey esencialmente pa henter Aruba — directiva di Lago a haya nece-
sario pa nenga e proposicion pa un siman di trabao di 40 ora sin reduccion di suel-
do, y un proposicion alternativo pa un aumento general di 6 por ciento. E aumento
plsa den costonan involvi den tur dos proposicion ta representa un pesadez cu lo
pone na peligro serio e habilidad di Lago pa continua como un empleador grandi cu
ta mantene delantera den sueldo y beneficencion.
Hopi factores ta drenta den e con-
dicion aki.
En relacion na hopi di su competi-
tadonan den tur parti di mundo
Lago tin un exceso masba grandi di
trahador. Pa keda existi no tin otro
medio sino di reduci forza, mientras
un siman di trabao di 40 ora lo nece-
sita un aumento di personal. Den
cantidad di trahador pa cada mil
barril di produccion. Lago ta para
peligrosamente haltu en comparacion
cu competidornan cu ta traha e mes
clase di produccion.
Na mes tempo tin poco pais na
mundo na unda tarifican di pago y
beneficencion di Lago ta worde iguala
de suprasa. Mantenencia di e actual
forza di trabao na e presente tarifa
haltu di pago lo reduci constantemente
Lago su prospectacion pa competi-
tadornan, especialmente cu e refinancian
nobo moderno cu a worde traha i cu ta
worde traha awor na mayoria lugar
unda e ta bende su produccion.
No tabatin ningun rebaho den e
aumentu constante den competicion

ra cu e tabata merece. Ademass e ta-
bata comprende tambe cu e homber
aqui tabata mucho bieu for di Meg.
Su tactica di horta curazon di muhe
tabata: no frasta, solamente bisa con-
nan cordial i agradable te ora cu e lo-
gra exito.
„Indubablemente lo bo bin diner cu
bo amabilisima muhe den un dje dian
nan aqui na Villa Beau Site cerca mi,
monieur?“ e madame a puntra riba
un atardi, ora cu nan tur cuater tabata
sinta den nan stul di orilla ta gozando
dje biento salubridad di lamar. „Bo ta
quere cu boso lo por bin majan atardi
me?“ quiza.
„Cu mucho gusto, mejor.“ Sillars
responde no mucho contento, pero en
realidad e no quier a bai, pero aqui
no tabatin disculpa.
Quizas e paseo cu el a caba di haci
un rato pasa cu Kettering no a agrade-
mucho. Tambe por ta cu e no tabata
gusta e bistanan di admiracion cu e
homber tabata tira riba Meg.
Pero e prueba cu e tabata comple-
tamente inconsciente di e admiracion,
a tranquilizale i cu hopi inclinacion i
palabranan carinhoso el a tuma despe-
da te su manecan anochi.
E madame ai ta un nechi muhe,
un bieu pero na su punto, n' casina.
Meg a bisa entusiasma. „Pero ta com-
bo cara ta zurr asina. David. Bo no
ta gusta e kaptein ai mucho?“
„E no a haci nada otro sino inter-
naga mi; ta maneri cu e quier sa en-
ter nos asuntunan.“ David a bisa corti.
„Ta claro cu ecerca mi el a yega na e
direccion contrario. Naturalmente cu lo
nos bai majan anochi, pa complase bo
mas parti mi ta bai, pasobra mi ta
quiere cu b'a perde bo curazon pa e
muhe ai. Pero despues dje bishita di
majan lo nos sigui nos curso. Bo ta
corda ainda quico m'a bisa bo di co-
nocerinan di viaje?“
„Si. Pero esquinan ta hendenan ma-
sha dierbido. David. I corda como
pronto lo nos ta na Kildoon trobe,
camina nunca bo n' ta hanja un hende
mira. Pero tende. Mi tin algo decen-
ta pa mi bisti bai cumi aya majan? Pa-
sobra bo mester sa cu e ta un mar-
quesa di berde mes.“
„Wel, larga nos ham hotel lihe pa
nos ham mira.“ Sillars a conseha Meg
sonriendo i sagdiendo cabez pasobra
e tabata comprende cu ainda Meg ta
bata un muhe. „Si bo n' por hanja
nada adecuado, anto den e 24 ora cu
ta falta, nos mester por logra algo. Tur
esai ta solamente un asunto di placa
i nada mas.“
„Oh David, mi n' gasta bo mucho
hopi caba? foi dia cu nos ta viajando?
Ta antajera mes b'a duna mi 10 pond
i mi mes ta cerca di gaste caba.“
Sillars a sonrei.
„No preocupu bo pasobra m'a esti-

Cumpleanjos feliz

PA CORTESIA DI
KAN
E MEHOR CAS DI REGALO

Awe ta di fiesta srta. Maria Cleo-
pa Figaroa pa motibo di su cum-
pleanjos y e ta ricibi hopi felicita-
cion di su mama Josefa, tata Jacinto,
mamanan Jose, Dika, Chedi, Mito,
Carmen, Ina, May, Beni, welo, we-
lanan, omo y lantanen, primo y pri-
manan, madrina Johanna, Maria Se-
neleer, amiga y amigonan y demas
familia.

E gentil caballero Mario C. Kran-
sen ta recorda su fecha natal awe y
e ta ricibi hopi felicita-
cion di su ma-
ma Carmita, ruman Ale, tanta, omo,
amigo, amiganan y tambe di Ettij.

**CADA REGALO TA BONBINI
PERO DOBBEL BONBINI TA
UN REGALO compra serbi
KAN.**

Awe ta celebra su 3 aniversario e
hobencita Waltruda Croes y e ta ri-
cibi hopi felicita-
cion di su tata, ma-
ma, ruman Fedi Croes, welo y wela,
su tanta y omonan.

Hopi felicita-
cion ta bai pa Mari-
na de Cuba kende a celebra su 9 a-
niversario y e ta ricibi hopi felicita-
cion di su mama Chita, tata Coco,
rumannan Efraim, Adolf, Swinda,
Ortencia, welo y welanan, tanta y
omonan, tur su amiganan di 2de klas
di St. Anna school y demas familia.

Awe a celebra nan cumpleanjos
Julio Quijada, Olga Perez de Gonza-
lez, Maria Figaroa, Robi Hernandez,
Sixto Schwengle, Antonia Kelly, sr.
Andresio Croes Antonio Porfirio
Lopez, Mario C. Kransen.

E hobencita Evelina Maria Figaroa
ta celebra su cumpleanjos y e ta ri-
cibi hopi felicita-
cion di su mama,
tata, rumannan Ronny y Juan, ma-
drina, tanta, cuater welanan y tur su
omonan.

Di parti di su mama, tata, su ru-
mannan Betty, Frisia y Rica Geer-
man, su wela Lucita Maduro, su tan-
tanan Maria Maduro, Polita, Rafaela,
Frida, su madrina Swinda Jacobs,
su padrino Isidoro Thiel, ta bai awe
masha pabien pa e hobencita Lucia
Geerman kende ja celebra su cumple-
anjos.

Pa Enid Nassy ta bai masha felici-
tacion cu su cumpleanjos di parti
di su mama Angela, su tata, Willy,
su 7 rumannan Irene, Ursie, Judith,
Erwin, Ronald Shirley y Yvonne, su
tio Wilfred Leite y su cuater primo-
nan Winston, Eric, Ronald y Siegf-
ried y tambe di Hilda Leite.

Loque ministro Dulles a bisa

WASHINGTON — Ministro Dulles
a bisa cu na Juli di anja pasa gobierno
di Indonesia a pidi Merca balor di
600 te 700 million dollar na arma.
Sinembargo Merca a dicidi cu agre-
sion contra Indonesia, cu lo haci
tantu arma necesario, no tabata pro-
bable.
Ministro Dulles a bisa, cu no tabata
parce inteligente pa Merca ta victima
dje suposicion cu e a duna gobierno
Indones of e rebeldenan arma.

El a bisa ademass, cu algun dia pasa
Merca a hanja un peticion nobo di
Indonesia pa arma. El a bisa, cu e
ainda Merca no a reacciona riba e
peticion ayeri.

STREANAN ta anuncia awe

Conducta bon, sensible y hon-
motivacionnan awe tin hopi chens
di hanja bon recompensa. Amor
motiva pa principio y razon, lo
estimula esfuerzonan y trece sa-
tisfaccion duradero den hopi for-
ma. Part di anochi ta pidi pa mas
calma posibel y bai cu cuidao pa
no haci nada na extremo.

Sinembargo Meg no tabatin ningun
contrariedad pa bai su maneco. Nan
a bai aqui i aya un paar di dia mas
i despues nan a sigui pa London, na
unda nan a yega atardi sucurto na
hotel Carlton.
Meg a bisti un di su trajenan di Ri-
viera pa diner. Sillars tabata terrible
orgullosu riba dje, pasobra Meg tabata
brilla di belleza. Mas tanto awor cu el
a bida e momentonan desagradable
cu el a pasa na cas di su mes tata cu
tabata buske pa bende cu e prestami-
stanan pa paga debe. David no por a
sospecha qui un humillacion tabata pa
Meg di mira com e homber aqui tabata
trate sin ningun sorto di carinjo sin-
cero. I como e tabata hoben, e tabata
dessea amor, naturaleza tabata grita pa
romantica den dje, mientras cu e ta-
bata biba banda di un homber manera
un popchi en realidad. Pober Meg ta-
bata casa pa number i e tabata puntra
su mes cu tanta ai lo e mester queda
sempre di su bida bai i cu no ta bini
un cambio den e bida ayeri.
Meg tabata puntra su mes na silen-
cio ta paquico el a casa cun'e si e no
tabata stime en realidad.
Awor e kloof entre nan dos a cu-
minza ta abri mas tanto i pronto lo
e bira peor....
Si David mes cu e homber no quier
munstre amor, e como muhe no por a
bai haci carinjo cu e homber. I como
muhe Meg tabata sintie ofendi i insul-
ta. I el a dicidi di no trata tampoco

Pa aviso y tur correspondencia pa „Ar-
ubaanse Courant“ dirigib na:
Nassaustraat 85, Oranjestad.
Telefoon: 1114 Directie y Aviso
3116 - Redaccion y Suscripciones
Numero cuatro di ARUBAANSE COURANT
por worde obtini na San Nicolas
na Union Store, Mainstreet.

AGENCIA
Distribucion 8 April
BOTICA di WARDIA
Bollica Aruba

PARTERAS, ENFERMERAS, etc.
Dr. M. v.d. Mark, telefon 1507,
Rondeweg 1, Dakota.
Dr. Braumüller, telefon 1355,
Nassaustraat 42, Oranjestad.

TAORO - MANGO juice

**Biba mihor cu
ELECTRICIDAD**

RADIO CARACAS TELEVISION
Canales 2, 7 y 10
7.15 a.m. Marcha oficial
7.27 Informacion sobre los programas
del dia
7.30 Lo de hoy
7.30 Pelicula
11.00 Chis a las once
12.00 Show de las doce
1.15 Novela Palmolive
1.30 Noticiero del mediodia
2.00 Pelicula
4.00 Club femenino
5.00 Cosas de mujeres
5.30 La perfecta ama de casa
6.00 Circo en el aire
6.15 Conozca el piano
6.45 Novela romantica
7.00 Cortos
7.15 Novela unico
7.30 Papa lo sabe todo
8.00 St. Obesador Creole
8.15 Venezuela pintoresca
8.30 La familia Buche y Pluma
8.00 Novela Camay
9.15 Novela L & M
10.00 Ringo
10.30 Cine — programa
12.00 Marcha oficial

y... MESKER ta drecha mi MUEBELNAN

**Sears a vence Hei-
neken's cu score
10-6**

(Di nos Sportreporter)
ORANJESTAD. — Awor den e
parti final di e Tomeo Promocion
e novena di Sears ta dunando fuerte ba-
taya y ta haciendo gran esfuerzo pa
por mantene su mes den e primer
cuatruan. Despues di duna Nesbitt
un balente susto dos siman pasa, di-
razon anochi nan a logra un victoria
ariba Heineken's cu ta den e cuarto
puesto, Chino Maduro, kende un si-
man prome a lanza un gran partido
cu a dura 16 inning contra di Nesbitt,
ya den e primer inning mester a ban-
dona e lomita ora cu e tolecionan
di Sears a conecta su lanzamientonan
fuerce pa un total di 5 carrera. Julio
Martilia mester a acudi na su ayudo,
pero esaki tampoco a wanta mucho y
mester a bandona e wega pa un ter-
cer lanzador.
Pa Sears a lanza Cl. Jack, kende a
gana e partido.
Sears falta ainda un partido pa
termina e torneo y si nan logra un
victoria y Heineken's perde contra
di High Life lo bin un empate den e
cuarto puesto entre Sears y Heine-
ken's cu nan dos lo mester disputa.
Pa e tres primer puestonan ya tres
a clasifica esta High Life, Amstel y
Nesbitt.
Asina ta cu e Liga AAA lo consisti
di dos equipo di Oranjestad y dos di
San Nicolas. Algo cu indubablemente
lo yuda aumenta e interes pa e de-
porte.

Embahador ruso na La Haya

DEN HAAG — E embahador
Ruso na Den Haag, Kirsanof, a en-
trega prome ministro Drees di Hulan-
da un carta di Kruishof cu fecha dia
4 di April, en conexion cu termina-
cion dje experimentonan atomico.
Den e carta, cu tabatin mes con-
tenido cu e cartanan, cu e prome
ministro Ruso a scribi su colegaan
occidental den ultimo dianan, Rusia
ta pidi apoyo di gobierno Hulandes
pa e proposicionnan Ruso tocante
terminacion dje experimentonan ato-
mico.

Un granaat a explota Bukit Tingi herida tres hende

BUKIT TINGGI — Un hende des-
conoci a tira un granaat antayera
nochi dilanti di cuartel general dje
contra-gobierno di Indonesia na Bukit
Tinggi, Sumatra Central. E granaat a
explota den cercania inmediato di e
oficinanan dje prome ministro dje
rebeldenan, Prawiranegara, y dje
ministro di defensa, Harahap. Tres
persona a hanja herido.

na gana e homber aqui su curazon.
Pero di tur loque tabata pasando
den su curazon bo no por ripara nada
na dje.
„David, David Sillars!“ Meg a bisa
dripiante na boz baho. „No bira bo
cara unbez. Seucha mi sol numa. Bo
n' por figura bo quen ta den hotel
ayeri?“
„Instintivamente Sillars a draai mira,
pero un palma grandi a strobe di mira.
„Mi n' ta mira nada. Ta quico mi
mester mira?“
„Aya...“, tras dje muhe cu traje cor-
ra. Bo n' ta mir'e? Ta Hew Kessock e
cu Ellie, Awe ta dia 20 di November
i nan mester a casa antajera. Ta com
mi por lubida?“
(Eta sigui)


Un desgracia por sosode tur caminda....

Pero e pida nan chiquito di
glas di bo bril no tin mester
di afecta bo wowo.
Nos por cambia e glasnau di
bo bril pa Safety-glasses, cu no
por quibra!

ODUBER & KAN
Opticonen den Nassaustraat No. 47

Oduber & Kan inc.
Opticians tel. 2193
TA PRESENTA
Ora Cu Curazon Dispierta
Pa TUYUCHI.
No. 36
Tanto Kettering como su tanta ta
bata minstra mashe interes den per-
sona di Meg of mehor dje pareja re-
cien casa anto. I cada un su interes
den Meg tabata na un manera distinto.
E homber aqui tabata puntra su mes
ta qui secreto lo por tabatin scendi
tras di e matrimonio ayeri. Pasobra ya
el a comprende pa su mes caba cu e
Schoi silencioso ai no tabata pas pa
un mucha muhe manera Meg, paso-

EL CISCO KID



Cisco a lesa e carit y e carit a bise. Cisco bai mei mei di unochi na e cerro, pero bo so, y aya lo bo topa cu e sombra negra anto e la pone firma pa un amigo, pero e amigo ta skirbi cu e no a firme, pasobra quizas e carta por cui den man di otro persona. Hm Cisco ta bise, mi no ta gusta e anonimo nan ei, pero no

tin otro manera pa hanja e sombra negra. Y na e momento ei riba e cerro tin un persona ta cana y e ta bise ora Cisco mester parece aki nan. E ta trahando un trampa pa Cisco cai aden.

Tom Richardson, detective di fama mundial E HOTEL MISTERIOSO Pa TUYUCHI.

Na camina Richardson a duna Paul un senjal pa e sigui. Pasobra el a ripara Paul scendi na un distancia dje luga.

Paul a haci esaki i nan dos tabata sombri e muhe a haci sin cu e mes por a bise, pensa esaki.

Paul mester a reconoce cu no tabata por nada Richardson tabata carga nomber di maestro, pasobra den un minut ei a sabi di disfraza asina bon cu absolutamente e muhe a haci mes lo no por a reconoce mas. Ora cu e dos detectivenan a bin contra hunto trobe den e rooi, Tom a bise Paul:

"Mi ta supone cu e muhe a haci lo bai conta su casa awor olque a pasa i e e homber lo ta furioso riba Marno, quende indudablemente lo ta na New York awor aqui pa vigila pasanan di Sra Hopkins."

"Lo mi sigui e homber i abo lo mester sigui e muhe pa e pension. I despues cu bo a muntra bo penning como detective bo mester oblige na bise bo unda Harry Hopkins ta. E pover homber a haci lo mester ta scendi den un otro luga secreto dje cas ai. Bo ta libra e homber i e ora ai boso dos ta vigila e muhe, pero cu boso lo por hibe na e warda di poliz di mas, cerca aqui banda tambe lo ta masha bon."

"Ma comprende, maestro!"
Despues cu e detective a splica su asistent su plannan detalladamente nan a queda ta persigui e muhe masha silenciosamente.

E victoria
Na Sur di Homerston camina tin un terreno llano extendi, meimei di

enual terreno e palo di ekel tabata queda na unda e muhe tabatin di manda e placa. E campo aqui tabata rondona tur camina cu cunucuan grandi di tapushi.

I tabatin hopi cunucueronan ta traha den nan.

E posadero tabata asina diestra di a ofrece su servicio na e cunucuro, pa di e manera e por a mira e persona cu lo bai hiba e suma pa liberacion di Harry Hopkins.

I mientras e tabata trahando den cunucuo cu sodor tabata corre na su cara.

I mientras e tabata trahando cu piki i schop, e tabatin un bista pa tur loque tabata pasa den su alrededor.

Tabata 12'or caba. Ya Adam no tabata traha cu asina entusiasmo mas, pasobra i como te na e ora ai no a presenta ningun hende, ni homber ni muhe, e tabata hanja e encargo aqui un poco poco slow i indiferente.

E no tabata custumbra na traha trabao pisa i tabata custumbra na gana su pami na un manera mucho mas facil, aunque quizas mas peligroso.

Net na e momento cu Adam Willard a bise cu e muhe a mira algo cu falta poco a pone su sanger paraliza den su benanan. Na ta su muhe tabata binendo aya cu asina tanto apuro?

Si te mes en realidad. El a reconoce, ora cu el a grite'foi su roca: "Adam, Adam!"

Unbez e homber a tira su piki abao. El a bise bleek manera muraya, pasobra el a comprende inmediatamente cu algo particular mester a socede.

Organisacion di Sanidad Mundial ta existi 10 anja

Dia 7 di april ta ser jama World Health. Sinembargo e anja aqui e fecha ai ta particularmente importante, pasobra e ta nifica fin di e prome diez anja di existencia di World Health Organisation. WHO tabata existi foi un proposicion haci na un reunion di Nacionnan Uni na anja 1954 na San Francisco. Na un conferencia na anja 1946 na New York representantenan di 61 pais a propone cu situacion di sanidad menos alto ta forma tur camina riba mundo un peligro general i cu estandarte di sanidad ta un asunto mundial. E representantenan aqui a pone base pa cooperacion internacional riba e terreno aqui i a proyecta i firma un Constitucion (Statuto) pa WHO e constitucion aya i a drenta na vigor riba dia 7 di april 1948. Foi durante e fecha ai 27 pais mas a drenta e organizacion aqui, de la manera cu actualmente e Constitucion aqui ta consisti di 88 miembro.

Trabao di WHO ta ser haci pa tres organonnan: 1) Consejo mundial di Sanidad, cu ta e autoridad di mas alto na unda tur miembro ta manda nan representantenan; 2) Consejo ejecutivo (Executive Board) cu ta existi di 18 persona cu e miembronan a nombra; i 3) Secretariado bari di Director General.

Un terreno masha amplio di labor
Obieto di WHO ta bai masha leu riba actividadnan di algun organizacion internacional di sanidad i ta contene programanan di un gran variedad di problemanan di sanidad manera: combatimento di enfermedadnan contagiosos; higiena di niamu i di muhe; sanidad popular; higiena social; profesional; alimentacion; e cuminda; asistencia di un enfermero(o); educacion di empleadonan di sanidad i un numero mas di problemanan higienicas.

Ademas di esai WHO ta tuma iniciativa di ta tuma parti den trabao tecnico di nificacion internacional, manera formacion di medianan biologico (estandarmentan) i di estandarmentan pa insecticiden, control di medianan cu ta esclavizante, cambio di problemanan cientificas, coleccion i extension di informacionnan epidemiologicos i estudiosnan statisticas respecto morbilidad (prevencion di enfermedadnan) i mortalidad (murimento di enfermedadnan).

A estipula un lista internacional di enfermedadnan i motibonan dje murimento i un arreglo sanitario internacional.

De la manera cu esaki ta un terreno masha amplio di labor, cu principalmente ta move su mes riba e terreno di medicina. Preventiva (prevencion di enfermedadnan), cual ta obrando di enteramente otro manera cu medicina "curativa" tratamiento di enfermedadnan na okom di cas i specialistanan na okom di consulto i den clinicanan.

Problemanan di medicina preventiva
Problemanan di medicina preventiva ta queda generalmente riba terreno di organizacion i cooperacion.

Pa motibo di circulacion pronto di enfermedadnan contagiosos por tuma medianan internacional pa cual epidemianan di enfermedadnan peligrosos

manera brucha, peste, colera i sarampi por ser limita.

Den e 10 anjanan cu ta queda nos tras WHO a proba cu pa medio di cooperacion mayor parti pa no bise tur enfermedadnan contagiosos mes por ser limita.

Pa tuma un ejemplo largu nos baci menciona di Malaria. Tres cuarta parte di humanidad ta bise den un terreno camina malaria por presenta.

Te na anja 1948 tabatin anualmente 300 million hende ta sufrir dje enfermedad, al mientras 3 million tabata muri di dje. Despues di 10 anja di lucha contra malaria ya e cifernan a ser reduci cu 30%.

E accion ta continua. Den diferente pais malaria a desapare por completo mes. I ta ser considera posible pa denter di 5 anja liquida malaria por completo foi tur pais di hemisfero occidental.

Den diferente parti di mundo WHO tin departamentonan regional. Pa paisnan mericano, baci di cualnan tambe territorio di Caribe, esai ta Organizacion Panamericana di Sanidad (PASO). Esaki a ser erigi foi anja 1902 caba i tabata di prome organizacion sanitaria internacional. Na anja 1948 el a ser tuma den WHO.

Na anja 1958, sosteni pa WHO, tabatin como 4 accionnan grandi pa eliminacion di brucha, framboesia, sarampi i malaria. (Framboesia i brucha no ta aparece mas na antillanan neerlandes. Muskita di sarampi ta elimina na Corsou i Aruba i copta brucha nos ta ser protega aqui pa medianan sanitaria).

Lugar masha interesante
Manera cu nos ta mira: anto foi un otro, WHO ta ocupa un lugar masha interesante baci di organonnan internacional cu responsabilidad pa mejoracion di situacion di bida. Den futuro cu ayudo di experiencia di WHO mester haci empenjo den tur pais pa bini na bon centra di sanidad, sirbi pa teamanan medico cu mester haci publico "health conscious". Pa esaki ta necesario ayudo di maestro, periodistanan, politicos i oronnan.

Na Antillas Neerlandes Inspeccion di sanidad publica ta na contacto continuo cu WHO en relacion dje medianan di sanidat cu mester ser tuma.

Biba mihor cu ELECTRICIDAD

El a corre bai contra e muhe i e no a mira cu tabatin dos figura ta vigile i cu nan a sconde rapidamente tan pronto cu el a contra cu su muhe.

Foi su roca i sin habie e muhe tabata para aya su dilanti. I e no por a expresa ni un pia di palabara.

Riba cara dje muhe e homber por a leza furia, ansia i verdiet i raso di impaciencia el a cohe e dos brazanan dje muhe ta tene. I nervioso e tabata sagudie.

"Ta quico a pasa? Haci lize, papia. Mi ta spera."

Porfin el a bise murmurando "Samuel Marno a manda un criminal pa asesina nos... nos tur dos... E ta desca e placa di Harry Hopkins p'e sol... E no ta desca mas di tin ningun complice."

Mudo di asombro Willard a queda para ta mira su muhe. Pero despues el a cumenza ta zundra i ta plega manera un hende cu a bise di cabez.

"Esai mi tambe por a pensa", el a grita den su furia, lubidando cu e no mester a papia asina duro.

"Foi principio mes caba ya mi no tabata confia e homber aqui mucho. E no ta nada mas cu un traidor, un falsario, un ladron sinverguenza. Ta com e cos a pasa?"

Awor e muhe a bin conte tur cos na pia chiquito. I com e mester a paga dos mil dolar pa e por a salba nan dos su bida.

Pero ora cu e muhe a menciona e suma cu el a paga, e homber a retona un grito manera di un leon silvestre den mondi. El a consumi asina tanto cu secura a sali foi hukinan di su boca.

"Esai lo bin coste caro. Mi ta bula bai New York i lo e hanja su pago merecido. Si t'asina e asunto ta para, anto lo mi haci un manera pa nos sol hanja e placa di Harry Hopkins i lo e queda nanishi largu."

I sin preocup'e cu su trabao, el a bai para na kanto di camina.

Tur e asunto ta awor cu e peon a haci su trabao, esta di hiba e carta pa Sra Hopkins. Abo bai cas nuna i pa mas tarda lo mi regresa majan mainta."

Adam a corre bai awor mas duro cu e tabata por den direccion di Homerston pa e por a cohe e irein cu ta cerca di sali, mientras su muhe a regresa n'e posada.

Tom Richardson a plat tras di Willard. Paul de lo contrario a sigui tras dje muhe i a prepara un sorpresa chiquito pa esaki nei na momento cu e tabata drentando su cas.

E bishia aqui e muhe tabata caminando mas sosesa cu ora di bai i a dura casi mei ora prome cu el a yega na su posada.

E muhe a abri e porta i a drenta. I ora cu el a acomode'bo, el a cumenza na dal un bon glas di whiskey pa e quita e ansianan di un rato pasa. Despues cu un suspiro profundo el a larga su curpa cai den un stul i a cumenza ta murmurar na boz baho:

"Ta di spera cu Adam logra hanja e misable Marno ai!"

N'e mes momento porta a dal abri i Paul Perier a camina drenta.

E hotelera a bula lama foi su stul. Awor e detective hoben aqui tambe tabata disfraza. Segun instruccion di Richardson e tambe a percura pa e tabatin un paquete cu un flus poco decente den dje i el a cambia su panja masha rapidamente.

El a traha un cara di un sonrisa cu e bisitante, pasobra el a quere cu esaki tabata un cliente.

"Cu quico mi por sirbi bo?" el a puntra.

"Cu nada". Paul a bise secamente.

El a tene un revolver baci di e muhe su nanishi i a bise na tono comandativo:

"Den number di ley mi ta cohe bo preso."

Esaki tabata segundio golpe riba e mes un dia, e masha aqui e muhe a spanta asina, tanto cu casi el a perde conocimiento. Pa su fortuna e stul tabata cerca dje, de la manera cu e no a cai abao.

Prome discusion cu directiva di KLM na Den Haag

DEN HAAG — Na Utrecht e 6 presidentenan dje Centraalnan di Federacionnan dje Patronnan i Trahadornan a tene nan prome discusion cu directiva di KLM y e union di aviadornan di KLM tocante e kestion di sueldo. Nan a elimina algun dificultad. E discusionnan lo continua e siman aqui.

Complot descubri na Djakarta

DIJAKARTA — E servicionan di seguridad na Djakarta a descubri un complot pa derrota di prome ministro Djuanda, asina a worde informa di capital di Indonesia ayera.

12 "conspirador cu e rebeldenan na Sumatra" entre cual tres oficial huntu y un lider politico, a worde arresta.

Segun e corant izquierdista "Bintang Timur" e conspiradornan tabata quier "reemplaza e gobiernito di prome Djuanda pa un gobiernito di rebelde, manera esun na Sumatra".

E corant a informa ademas, cu e arrestadonan tabatin comunicacion cu e "rebeldenan di parti Norte di Celebes, Sumatra-central i parti occidental di Java".

Segun noticianan di Bandung gruponan rebeldes tabata masha activo den e provincia Garut, siman pasa, caminda nan a cende candela, haci atake y atentado.

Observadornan ta di opinion cu e gruponan aqui ta miembro dje movimiento politico-religioso fanatico, Darul Islam, cu a worde declara ilegal.

Preguntanan di periodistas nan mericano na Dulles

WASHINGTON — Varios periodistas a haci pregunta na Dulles tocante e oposicion den Congreso Mericano contra proposicionnan di gobiernito pa tene un intercambio secreto atomico cu gobiernonan aliado.

Dulles a bise, cu ta tonteria completo pa Merca no tene un intercambio di su sabiduria riba terreno atomico cu Inglaterra. E resultado di esey ta trabao dobel na gran escala.

Ademas nan a puntra Dulles, si e ayudo Mericano lo no causa cu lo bini mas potencia atomico, cuminsando cu Francia. Dulles a contesta cu esaki no ta obieto dje programa di gobiernito, pero e suposicion cu por stop aumento dje cantidad di potencia atomico, si tene e detalnanan Mericano secreto, ta illusorio, asina el a bise. Segun Dulles por domina desarollo di arma atomico mehor si Merca por parti su ciencia cu otro pais.

Rebeldenan di Fidel Castro ta mirando mas fuerte

HAVANA — E accion di exterminacion, cu a cumenza contra e rebeldenan di Fidel Castro, aparentemente ta bira mas fuerte. Segun informacion cu a drenta di e provincia Oriente, e cantidad di hende morto, herida y den prison ta aumenta.

Cuartel general di eheerito Cubano ta sigui duna periodistanan comunicado, den cual nan ta informa di exitonan militar y arrestacion di mas y mas miembro dje movimiento revolucionario di dia 26 di Juli tantu na Havana como na otro parti dje pais.

Por dje informacionnan por conclui, cu awor e trupanan di gobiernito ta opera den corazon dje lugarnan di resistencia di Fidel Castro. Den e comunicadonan di gobiernito nan a informa cu nan a confisca vehiculo, arma, municion y comestibles.

Segun e informacionnan di gobiernito 13 rebelde a duna nan mes over den cercania di Banes, parti Norte dje provincia Oriente.

Informacion di radio Padang

SINGAPORE — Radio-Padang a informa Dia Mars anochi, cu trupanan di gobiernito ta bringa na e frente Noroeste, casi 100 km for di Bukit Tinggi.

E trupanan di gobiernito ta usa artilleria leve.

The hair cream for that
'just-combed' look
all day long!



Vaseline
HAIR CREAM
PREPARED FROM
VITAMIN-ISED OILS

© VASELINE is a registered trade mark of Chesebrough-Pond's Inc.

Agente voor Aruba:
CONTAL AGENCIES LTD.
Telefoon 1418

Noticia internacional di boxeo

(Continuacion y fin)

Pa di cuater bez trobe den e tempnan di mas dificil, Robinson a bolbe alcanza trono di boxeo, pasobra tabata dificil pa mantene trono di middleweight, pasobra den e tempo ai como tabatin masha forzanan nobo i masha fuerte ta resucita.

Sinembargo Robinson a queda wanta su campeonato cu honor te ora cu Carmen Basilio a presenta, quende tabata un boxeador di granit i e no por a salba dje estorbo di granit aya. I na principio hasta nan tabata bise cu Robinson tabata saca curpa pa contra cu e boxeador aya.

Den e epoca ai tabatin en realidad un homber cu por a vence Robinson i esai tabata Basilio i Basilio a bringa cu Robinson i el a vence Robinson tambe. Esaki tabata un pelea di million dolar. Ta di comprende cu ta Basilio a bira e homber del dia despues di su victoria. Sinembargo Robinson tabatin su hendenan cu nunca no tabata perde confianza den dje i cu masha cu e perde pelea, sinembargo ta sigui adora como e mehor pugilista di tur tempo.

Awor Basilio a queda campeon. Pero no ta conoci cu Robinson a perde nunca un revanche i esaki el a priminti tambe despues di su perdida contra Basilio.

I manera nos mes por a convence nos, e revanche a bini i Sugar Ray Robinson a vence Basilio trobe na un manera aplastante i tecnico, inscribendo su nomber trobe pa di cinco bez como campeon mundial, reconquistando su titulo trobe como e mehor pugilista di rond mundo.

Hamas mundo por a yega di contempla un pelea mas sensacional cu esaki, cual sin mucho concurrencia a haci di Robinson loque semper su asina cu nan ensuenjo di mas bunita, simpatizadornan a pensa, cumpliendo un bunita atraccion di Robinson, cu ta worde yama un boxador grandi cu un Jack Dempsey, un Jack Johnson, etc. Awor mes caba e t'asina mientras e ta actua den ring manera un artista, bringando 15 roundnan di mas peligroso den calmidadnan di mas inesperta contra un temible boxeador cu punchnan fuer-tisimo, mientras ora cu e pelea a termina, Robinson tabata tranquil, sin ningun rascio i sonriendo tranquil como si fuera ta awor e ta bai cumenza sin cu e tabata cansa. De lo

contrario, nos ta supone cu su adversario lo mester queda varios luna baci di cuidio medico cu un wowo cu a ser tapa. Ta increíble, pero ta berdad. Despues di dianan lo aparece buknan riba plaza na abundancia pa describi e carrera misterioso dje boksmatador aya.

I com e pelea mas tabata awor? Sugar Ray Robinson tabata sobersaliente riba su adversario? No; asina leu tampoco e pelea no a yega. Tabata un pelea di boxeo di mas entusiasmo i di mas sensacional cu mundo por a contempla foi despues di gera mundial II i e tabata n'e mes momento e pelea di mas dramatica. Carmen Basilio tabata favorito cerca bookmakers. I en realidad cu tur razon.

Aunque cu e no ta un boxeador hoben, sinembargo den su 30 anja e ta den energia di su bida tochi. Ademas e tabata un homber manera traha foi piedra di sababa. Pa television mericano e tabata e boxeador di mas goza pa motibo di su estilo bruto i fuerte. E tabata tuma tur golpi, pero e tabata dal tambe horriblemente fuerte.

I hasta den e pelea aqui mes te na di cinco round ainda Carmen Basilio tabatin mas punto cu Robinson. E ora ai diripiente Robinson a mira un porta abri i el a probecha di dje. Manera den un rapidez di rayo el a dal Basilio un uppercut i esaki a cohe Basilio completamente riba su wowo izquierdo. I directamente el a lemb'e un izquierda mas. Obligatoriamente Basilio a back atras pa e violencia aqui, pero el a recupera su mes pronto trobe. E tabata soporta e golpenan fuerte balente i cu heroismo. Sinembargo loque a bon ser su perhuicio, cu e wowo a bin hincha pronto.

Den pauso entre di cinco i di seis round su ayudadnanan a bin hacha tur nan posible pa nan trata na stop e hinchamento aqui dje wowo, pero nan no por a logra. E wowo a sigui ta hincha mas i mas i den di sexta round ya e campeon mundial no por a mira e pelea. Cada hende un poco sensato lo por a comprende cu esaki ya tabata un gran handicap p'e. I Robinson a comprend'e esaki mucho bon i como veterano el a percura di haci bon uso dje ocasion aya. Con todo esoo, sinembargo Basilio no a perde animo of entrega pelea i manera un hero e nan a queda ta bringa

cu otro na un manera de lo may violente te na fin. Ningun di dos no tabata baha pa otro.

Robinson a declara despues cu e pelea a caba masha sportief, cu e mes no tabata sa sigur cu el a gana of cu e pelea tabata un draw. Esai ta un contradiccion cu loque el a bise den e pelea anterior dia el a perde, pasobra e dia ai el a bise cu e tabata sigur cu e tabata vencedo.

E referee Sikora a scoor e pelea na favor di Basilio, esta: cu 69 punto contra 66 na favor di Basilio. Esaki segun scorenan di round ta 9 na favor di Basilio, 5 na favor di Robinson i 1 draw. Ambos judges a score na favor di Robinson. I judge John Bray a score 11-4 na favor di Robinson. No comparacion di ambos judges, e referee su decision tabata masha diferente. I un tal cos automaticamente ta pone nos pensa: "Caramba hasta den boxeo tin sushedad!"

I pa nos e cosnan aqui ta unavez increíble. Por tin diferencia di opinion, pero no cu diferencia asina grandi tampoco. Pasobra e ora ai nos ta capaz na pensa cu esai ta intencionalmente haci. I segun huicio dje periodistanan di boxeo cu tabata ai presente, cu no tabatin di minimo duda den victoria notable di Sugar Ray Robinson.

Sinembargo den tur relacionan dje boxeo nan quier largu nos comprende cu ta e uppercut di Robinson den di cinco round cu a tapa wowo di Basilio, a dicidi e pelea den su probecho. De lo contrario lo tabata dificil pa bise cu Robinson lo por a reconquista e titulo.

I ta p'es motibo ai di tur banda nan ta haci presion riba Robinson pa e bolbe drenta na un tercer pelea contra Basilio pa campeonato. E ora ai lo e hanja 50 porciento dje total di entrada netto i esai lo bin monta alomeno un million florin di Corsou. Ta increíble, pero brdad. Un million den cinco minuit, quizas seconde mes.... pero esai ta depende.

En realidad ta na Merca sol nan tin asina interes pa un tal pelea. Den e otro clasenan di peso no tin boxeadornan cu tin asina tanto favorito riba nan nomber manera Basilio i Robinson. Robinson a bise den prome instancia, cu e ta di acuerdo. Entretanto foi dia di su regreso den ring el a gana trobe mas di mei million di dolar i el a salba di su compromisonan. Ni de capotero lo e no drenta ningun show business mas. Despues dje pelea Basilio mester a bai unbez baci di tratamiento medico.

Dr. Richard A. Perritt a consehi di bai Wesley Memorial Hospital, afin di larga nan haci un examinacion serio cu e wowo. Despues dje investigacion nan a tene Basilio unbez na hospital. E wowo no t'asina grave cu lo e tin peligro di perd'e, sinembargo nan no quier a tuma ningun sorio di riesgo.

Si acaso un tercer pelea lo tuma luga, anto esaki lo ser organiza pa Morris trobe etc. i probablemente lo e tuma luga den Yankee Stadium. Foi awor caba nan a calcula e pelea aqui pa alomeno 2 1/2 million di florin di Ant. Hol. I pa un wegá di boxeo, e ta vale la pena, quico boso ta bise, lectornan?

Declaracion di Hammarskjöld

NEW YORK — Papiando di futuro di Nacionnan Uni Dag Hammarskjöld, e secretario-general, a declara cu un uso mas eficaz y mas tanto di Nacionnan Uni como instrumento diplomatico ta duna mehor speranza pa desarollo pacifico dje relacionnan di occidente cu Asia y Africa y cu e paisnan comunista.

No mester usa Nacionnan Uni solamente como un instrumento pa lucha internacional di propaganda, pero mester usa e posibilidad di debate y votamento mas pa un diplomacia di reconciliacion, cumpliendo cu carta di e organizacion.

Experiencia a muntra cu negosacion den publico no sa tin resultado riba nan mes, Hammarskjöld ta di opinion tambe, cu tambe den trabao di Consejo di Seguridad diplomacia secreto por hunga un papel.

TAPIJT
TEXAS FURNITURE STORE
Zwanstraat 5 - Tel. 1082 - 1083

PEPITA



Awe Lorenzo ta slinta den jardin ta lesa su boeki y banda di dje riba un stool tin un glas cu refresco. Mientras cu Lorenzo ta slinta ta lesa anto Pepita ta traha masha juro ta limpia bentana. Ora Lorenzo a caba di lesa e la bai tofer den jardin. Ata Pepita ta bini cu su makutu di panja, y e ta bise Lorenzo

dispensa pa mi pasa. Ora Lorenzo a caba e la drumi riba sofa un rato y Pepita ta traha di dje. Despues Lorenzo a hanja gana di come e la bai habri frigidaire y e ta bise, nada mas mehor cu un dia di descanso, y pa duna hende apetit.

Por CHIC YOUNG